

"ARUBAANSE COURANT"
diariamente cu excepccion di
diadomingo.

subscription f. 3.25 pa luna,
edicion los 20 ct.

edita pa:

N.V. Arubaanse Drukkerij- en
Uitgevers- en Publiciteits Mij.
Nassaustraat 85 O'Stad Aruba N.A.

imprimi na:
N.V. Drukkerij „De Stad“
Theatersstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT




Diario pa



Aruba

KING SIZE COCA-COLA
MORE
FOR
YOU!

optica moderna



SPRITZER + FUHRMANN

Anja 23

DIARAZON 20 DI MAART 1963

No. 4594

Pa e corona di Carnaval:

Notario a bisa: ENID MARUGG ta keda Reina-Caribe pa abogado

Segun C. C. C.: Caribe Club falta desencia

ORANJESTAD, 20 maart - E desacuerdo di opinion ariba e resultado di e eligimento di e candidata di Tivoli, Enid Marugg como reina di carnaval di Aruba dia 22 di februari ultimo a yega na un stadium nobo. Awor cu Comité Central di Carnaval a publica tres articulo: Caribe su keho serca C.C.C.; Con-tesis di C.C.C. na Club Caribe y Un acto di notario, den cual ta worde declara cu maske cu tur e listanan di pregunta ta di e miembro di hurado (score sheets) cual no a worde yena correctamente, worde disculpa, ainda srta. Enid Marugg lo keda cu mas punto cu e otro candidatanan y pesei cu razon e la carga e corona di carnaval.

Mientrastanto Caribe ta keda na su punto di bisto bieuw, esta cu e „scoring sheets“ nan mester worde entrega na directiva di club pa worde controla. Pa logra esaki club tin di sigura su mes di e ayudo di un abogado y ta pensa pa hala e cuenta contra di C.C.C. dilanti di huez. E directiva di club, segun presidente A.B. (Tico) Kuiperi a sigura nos, ta keda cu e siguranza cu un estudio exacto di e „scoring sheets“ nan, lo muestra cu ta e candidata di Club Caribe, Erna van Heeswijk, a hania e mayoria puntanan den Wilhelmina Stadion. El a perde dia 22 di februari cu un diferencia di ocho punto.

Caribe kier e scoring sheets nan

E carta, cual Club Caribe a manda Comité Central di Carnaval dia 26 di februari, ta splika con despues di e eli-

giminto den Stadion presidente Tico Kuiperi y algun miembronan di C.C.C. a studia e „scoring sheets“ nan y a hania diferente irregularidadnan den nan pa motibo di cual Club Caribe a pidi pa laga controla e listanan aki door di

un comision di diferente persona. E carta cu a worde publica ta lo siguiente:

Apreciable señores:

E carta aki ta worde dirigi na boso (señor C.C.C.) en cuestion di e eligimento di Reina di Carnaval di Aruba, cual a tuma lugar dia 22 di februari ultimo, den Wilhelmina Stadion.

Despues di e eligimento nos presidente, señor A. B. Kuiperi Jr., kier a controla e listanan, cu a worde yena pa e miembronan di hurado y despues cu e no por a logra conecta boso presidente, señor Adriaan Arends, el a busca conieto cu boso secretario, señor Daniel Leo y boso tesorero, señor Urbano Maduro y a pidi nan pa bai Stadion cu ne.

E ora e listanan a worde mira den presencia di sile persona na Stadion, respectivamente boso secretario y tesorero, otro miembronan, señornan Julio Luydens y Bihiano Lopez, señor J. C. Odier, manager di stadion, señor Herman Ponson y nos presidente A. B. Kuiperi Jr.

Pa gran consternacion di e presente nan a worde descubri cu e „scoring sheet“ di un di e miembronan di hurado, esta srta. Fiedeler, cu a duna unicamente punta pa CARRIAGE, esta un 10, pero en ariba e „scoring sheet“ tabatin un total di 46 punto marca.

(Veldruk di Red.)

Naturalmente lo boso ta comprende cu un contaminacion asina ta masha stranjo.

Nos presidente hunto cu boso presidente a purba di hania un solucion pa e problema aki, pero boso presidente a laga sabi diasabra, dia 23 di februari

Rudy Milan (robez) y Humphry Mohamed (cr) ta tratando di bida otro resuelve un problema chiquito cu nan tin en „figurazgen“. Esakinan ta dos di e hobennan cu tur dlaberna atardi ta tuma un curso den „obranan di man“ na Club Surnam.

ultimo na Lago Sport Park pa 6'or y 45 pa manda un protesto por escrito na e adres di Comité di Carnaval.

En coneccion cu esaki nos ta pidi boso un biaha mas cortesmente, pa laga nos directiva di carnaval controla e „scoring sheets“ nan, tambe e representantenan di e otro candidatanan, cu a tuma parti na e eligimento di reina di Carnaval.

(Veldruk di Red.)

Nos lo aprecia masha si dentro di un siman boso laga nos sabi ki tempo y na unda eaki lo tuma lugar, mientrastanto nos ta firma, sperando ariba boso contesta,

Sinceramente

Na nomber di Directiva

S.V. Caribe,

A. B. Kuiperi Jr. pres.

R. Mansur Vice-Pres.

J. M. Ponson Jr. Tesorero

C.C.C.: Caribe su conducta ta worde lamenta

Den e contesta, cu C.C.C. a duna Caribe den un carta 20 dia despues di e carta di Caribe, e comite ta bisa cu nan ta lamenta e conducta di Caribe. Hasta nan ta yama e conducta di e club aki algo sin decencia. Nan ta di opinion cu e manera aki e presidente di Club Caribe ta representa e asintunan di e candidata di Caribe na un mal manera y di e manera ta comporta su mes masha indeseado pa e otro candidatanan. Tambe C.C.C. no por uni su mes cu e manera cu e presidente di Caribe a acerca e otro miembronan di Comité di Carnaval pa hania mira e „scoring sheets“ nan sin cu e presidente di C.C.C. sabi di nada. Den e carta e directiva di Caribe ta worde reprendi cu nan no a trata di bon voluntad y esaki ta wor-

ARUBA TIN 1.323 MUCHA NA KLEUTERSCHOOLNAN CATHOLICO

Na Antillas na e momento aki tin 5.576 mucha ta bai kleuterschoolnan catholico. Nan ta reparti den 138 klas di 46 school. 152 Kleuterleidster ta encarga cu e muchanan. Esaki taifica, un promedio di 40 mucha pa klas, 121 pa cada school y 37 mucha pa leidster.

Aruba tin 1.323 mucha na 34 klas y 11 school. Aki nos tin 37 leidster, di cual 26 cu akte A of B. Tumando esaki na cuenta nos ta mira cu na Aruba e situacion ta mcho mas mior cu na e otro islanan. Na Aruba tin un promedio di 3 mucha pa klas, 120 pa school y 36 pa leidster. Na Curacao, caminda tin 3.82 mucha ta bai kleuterschool, e cifranan aki ta respectivamente 42,137 y 38.

E total di e leidsternan aya cu akte A of B ta 20.

E kleuterschool catholico na Aruba caminda e cantidad di mas grandi di muchanan ta bai, ta Rayo di Solo Kleuterschool, na San Nicolas cu 315 mucha.

Despues ta sigui Imelda Kleuterschool cu 251 mucha, Jaenitha Kleuterschool Dakota cu 110 mucha, Lucia Kleuterschool na Savaneta cu 108 mucha, Maria Goretti Kleuterschool na Noord y Agnes Kleuterschool na Oranjestad cu 104 mucha y Lidwina Kleuterschool na Santa Cruz cu 103 mucha. E otro cuater schoolnan, esta Bernadette Kleuterschool na Lago Heights, Te Aworo Kleuterschool na Brazil, Franciscus Kleuterschool na Brazil y Franciscus Kleuterschool na Paradera tur tin menos di 100 mucha. E school cu tin e menos cantidad di mucha ta „Te Aworo Kleuterschool caminda tin 26 ta atende. Un record „masha abao“.

de splika den e carta cu ta bisa lo siguiente.

Apreciable señores,

En coneccion cu boso carta di dia 26 di februari 1963, cu a worde dirigi na e Comité aki, en relacion di e eligimento di reina di Carnaval di Aruba dia 22 di februari 1963, nos ta participa boso lo siguiente.

Boso presidente mester por sabi cu no ta costumber y contra e reglanan di decencia y etikete pa pidi pa mira loke a worde scribi door di miembronan di hurado na sotonan di concursionan asina, caminda ta trata di calidatnan personal di e candidatanan. Pesci un hurado ta worde forma y mucho mas mior un hurado di hendenan cu no tin di haber cu e asunto, pa hania un decision mas objectivo cu ta posibel.

Unabez cu e personanan a worde eligi cu lo tuma asiento den hurado y nan a duna di conoce cu nan ta di acuerdo pa ta miembro di hurado, e decision di e hurado cu tin confianza di tur hende mester worde respecta y no pasobra e casualmente e decision no ta na agrado di algun supporter, mas después acusa e miembro aki di hurado di ta partidario y exhibi pa controla loke nan a nota. E mentalidad di algun di boso miembronan ta masha tristo, cu ta necesario pa splika boso loke nos a pone aki riba.

Caribe ta un di e clubnan di mas bieuw na Aruba, cu hopi miembronan masha respecta, di cual no por worde spera cu e lo comporta su mes manera un club cu a eaba di worde funda y cual no por worde tuma na malo cu nan no sabi cu na criticamente mester worde trata cu masha cuidao. Na e manera cu boso presidente ta haci siguramente e no ta representa e asintunan di e candidata di boso club, e ta masha incortes asina dilanti di e otro candidatanan, sin papia di e resultadonan desfavorable di su groseria pa e reina eligi, cu no por worde culpa di nada den e asunto aki. Tampoco su actuacion ta un cumplimento pa boso club y e publicidad cu el a causa den e asunto aki di Carnaval di Aruba, di cual su exito ta asina importante pa nos isla, a causa hopi perhudicacion.

Nos ta lamenta masha cu e miembronan di C.C.C., referi den boso carta, a laga nan mes worde seduci pa boso presidente pa, tras di lomba di boso presidente, laga otro entre cual boso presidente examina e listanan di e miembronan di hurado. A pesar cu nan tabata conveni cu e hurado a cumpli segun stipulacion cu nan deber, nan a lubida, loenal a duel nan despues, cu nan no mester a coopera na esey, siendo esaki contra e etiqueta di e weg. Ta pesey e listanan a ser entrega na un notario pa e traha un declaracion completamente neutral di su descubri-

(E ta sigui na pag. 4)

NOTICIA DI POLIS

Wowo blauso

SAN NICOLAS. — Dialuna atardi 10 pa tres asistencia di polis a worde pidi na Village-Zuid caminda e dama E. a worde gedol pa e caballero R. loke a resulta den un wowo blauso pa e dama. E dama no kier a keha e caballero pero a pidi polis pa detené y saké for di su cas.

FATUM — Tel.: 1845
pa tur bo aseguranan

Choke

SAN NICOLAS. — Dialuna marduga tabatin un choke den Bernhardstraat na San Nicolas banda di cas number 75. E choke tabata entre auto A 8574 mancha pa B.B. y auto A 3361 mancha pa B.R. B.R. tabata corre sin rijbewijs y probablemente tabata corre mucho duro. Danjo material 350 florin.



Aki nos ta mira Moeder Overste Antonie (dr.) kende Diadomingo mainta 11'or y mei a yega na aeropuerto „Prinses Beatrix“ for di Hulanda. Zuster Antonie a worde contra pa e.o. zuster Vicentie (robez) di „Zusters der Goddelijke Voorzienigheid van Steyl“ na San Nicolas. Moeder Overste Antonie lo remplaza Moeder Overste Reinalda kende pronto lo bai Hulanda cu „ziekte verlof“.

E conferencia na Costa Rica

Kennedy ta busca apoyo cerca coleganan latino pa isola Cuba

SAN JOSE, 20 maart — President Kennedy di Merca a worde ricibi dialuna cu gran entusiasmo na su yegada na San Jose. Kennedy y president Orlich di Costa Rica a hania un banjo di serpentina. Den su discurso inaugural di e conferencia di presidentnan di central America, Kennedy a bisa cu America liber lo construi un muraya rond di Cuba pa evita, cu actividadnan subversivo comunista y agentenan comunista por worde importa.

Kennedy no a haci proposicionnan concreto pero el a bisa cu e muraya rond di Cuba lo na bira un manera na Berlin, pero un di hombnan cu

EXPLOSION NUCLEAR DI FRANCIA

PARIS, 20 maart. — E ministerio Frances pa forzoan arma no tabata dispuesto awe mainta pa ni confirmacion ni desmenticon noticianan tocante un explosion nuclear den e serman Hoggar na Argelia. Asina un noticia di Paris ta bisa.

Gobierno Argelino a declara awe oficialmente, cu Francia a haci un prueba nuclear subteraneo ayera den Sahara.

Den e comunicado nan ta bisa, cu gobierno Frances a participa Argelia oficialmente cu el a haci e prueba.

E comunicado a worde edita despues di un reunion urgente di gabinete Argelino. E prueba, asina e comunicado ta bisa mas aleu, a crea un situacion seria.

Gobierno Argelino a tuma algun decision, cu nan lo presenta majan tramenda na asamblea nacional di Argelia cu lo tene un sesion urgente. Den e sesion ey di e parlamento Argelino e lideran di gobierno lo haci un declaracion importante, asina e comunicado Argelino ta bisa.

ta decidida pa defende nan propio libertad y soberania. Ademas Kennedy a ofrece e paisnan Latino Americano pa firma acuerdonan pa stabilizacion di prisnan y mas mercaderian comercial.

E otro presidentnan a confirma e necesidad pa sigui cu e integracion economica y pa yega na un union politica y establecimiento di un republica grandi Centro Americano.

President Chiaria a duna un explicacion di e situacion geografica di su pais y e situacion internacional cu no ta admiti un afiliacion di su pais na un mercado comun Centro Americano, aunque cu e ta apoya e finnan di un tal comunidad.

E deliberacionnan tabata den un ambiente di hopi comprension. E promesanan di president Kennedy a worde ricibi cu entusiasmo.

E premier dia di e conferencia di presidentnan na Costa Rica tabata dedica na un reunion solemn, na cual a hiba palabra e presidentnan di Merca, Guatemala, El Salvador, Honduras, Nicaragua, Costa Rica y Panama.

Observadonan no ta quere cu nan lo tuma decisionnan espectacular na e conferencia aqut. Pero nan lo tuma decisionnan tocante algun medidanan concreto cu lo ta obieto di un declaracion comun a fin di e conferencia.



E habitantenan di Somalia no kier afilia na e republica di Kenya, manera Inglaterra a dicidi, esaki a causa irregularidadnan serio na cual polis di seguridad di Kenya mester a tuma medidanan contra e rebeldenan.



ENBAJADOR DEBROT NA TRINIDAD ATROBE

PORT OF SPAIN, 20 maart. — Mr. I. C. Debrot, embahador na Trinidad y Jamaica, a bisi cu e relacionnan entre Holanda, Venezuela, Jamaica y Trinidad tocante asuntunan di interes comun ta cordial y excelente.

Embahador Debrot a bisi asina despues di a regresa na Port of Spain di un bishita na Jamaica unda el a entrega su cartanan credenciales na gobernador Sir Clifford Campbell.

SINDICATO HULANDES Y HUELIGSTANAN FRANCES

AMSTERDAM, 20 maart. — E federacion Hulandes di trabao a pone su cuenta di giro na disposicion di e mineronan Frances na duna nan yudanza financiero. D'hera te banda nan a acera e deterioracion Hulandes pa duna yudanza financiero na e mineronan Frances. E federacion ta bisi di ta completamente convencido di e necesidad pa solidaridad internacional.



Den e final pa e copa di rugby entre St. Thomas y St. Mary's hospital na Richmond (Inglaterra) tabatin un pelea na cual nan a tira cu sushi. Na robes ta mira Penny Philips, cosmes di e batalla. Na drechi un bista di e batalla cu a tuma lugar banda di un truck bieuu.

CINCO Y SEIS

Resultado di e caredanan di dia 17 di maart di 1963.

Promer careda: Comohurn 49 kilo di preparador Leo Marquez G. cu jete J. J. Ferrer. Distancia 1200 metro. Tempo 73 sec.

Di dos careda: Estambul 48 kilo di preparador J.R. Bolivar cu jete J. Gonzalez. Distancia 1200 metro. Tempo 73 1/2 sec.

Di tres careda: Agujon 49 kilo di preparador A. Munoz cu jete J.E. Cruz. Distancia 1600 metro. Tempo 101 sec.

Di cuater careda: Masticador 54 kilo di preparador J.E. Vidal cu jete H. Revello. Distancia 1600 metro. Tempo 100 sec.

Di cinco careda: Sensacional 52 kilo di preparador J.R. Fernandez cu jete Carlos Cruz. Distancia 1100 metro. Tempo 67 sec.

Ultimo careda: Balear 48 kilo di preparador Millard Ziadie cu jete F. Benancour. Distancia 1100 metro. Tempo 66 4/5 sec.

E caredanan di 5 y 6 ta hirando dia pa dia mas atractivo. Ya ta dos siban sigui cu mas cu 3.000.000 di bolivar ta ser hunza. Esey so ta un indicacion en e publico ta hayando dia pa dia mas confianza den e caredanan cu ta dunando resultado cu ta anima e puestadonan. Den e ganadornan di e siman aki nos tin solamente dos promer favorito cu ta Estambul cu a gana di dos careda y Coliseu cu a gana e ultimo na distanciamiento di Balear. A resulta 21 formulario cu 6 cabai ganador cu ta hania cada uno Bs. 43.865.65. Y cu 5 cabai ganador tin 600 formulario cu ta gana cada uno Bs. 1.023.50. Tabatin selja 331.764 formulario pa un valor di Bs. 3.269.507.—

ORDEN DI YEGADA:

Promer careda: 1 Comohurn, 2 Perifilador, 3 Cogollo, 4 Sam Lord, 5 Nogu, 6 Pinkerton, 7 Llanero, 8 Chichimeca, 9 Final Trial, 10 Viajero II, 11 Espartago, 12 Bio Bio.

Di dos careda: 1 Estambul, 2 Solares, 3 Bentiella, 4 Virelever, 5 Palmerin, 6 Guatrache II, 7 Enviado, 8 Persian Park, Jarbas y Gleen Ford a keda refira.

Di tres careda: 1 Agujon, 2 Gran-tre, 3 Gloster, 4 Joace, 5 Calfuco, 6 Taruzquita, 7 Carden, 8 Heracilio, 9 Andariego, 10 Carabu, 11 Glee-fut, 12 Ivanhoe.

Di cuater careda: 1 Masticador, 2 Maniqui, 3 Albatros, 4 Bonete, 5 Empeno, 6 Tombrill, 7 Monerina.

Di cinco careda: Sensacional, 2 Kachito, 3 Besares, 4 Elviria, 5 Escamoso, 6 Optima, 7 Carnaval, 8

Atlegado, 9 Berrin, 10 El Gavilan, 11 Mazarea, 12 Ramilla.

Ultimo careda: 1 Balear, 2 Coliseu, 3 Aroico, 4 Caballero, 5 Super Sixties, 6 Timapuy, 7 J.K., 8 Tabernilla, 9 Barcelona, 10 Tiger.

Con e cabainan a corre?

Den e promer careda Comohurn cu a reaparece despues di hasa siman a gana di punta-punta. Na ultimo momento Perifilador a haci un avance fuerte pero Comohurn por a resisti e atake y keda ganador cu un pesuezo. Estambul e promer favorito di careda a gana e segundo careda despues di a ilimina Guatrache II cu a trata di bai di biah pa e meta. Despues a domina Guatrache II Estambul mester a resisti e fuerte atake di Solares. E ganador a cruza e meta en diferencia di un pesuezo dilanti di Solares.

Den di tres careda nos ta hania e promer sorpresa ora cu e erillo Agujon a sali adilanti y gana e careda di punta-punta. Calfuco e gran favorito solamente por a logra ocupa di cinco lugar. Gran Trece ta esun cu a persisti den e recta final te na fin. Gloster tambe a persisti y logra di tres lugar.

Otro sorpresa a resulta den di cuater careda ora cu Masticador a cruza e meta como ganador. Masticador a domina e careda den e ultimo curva ora cu el a desaloja Bonete for di e promer lugar pa tuma e delantera y keda ganador di e careda. Maniqui a ocupa di dos lugar y e gran Albatro a yega di tres.

Den e penultimo careda Sensacional e ingles a gana facilmente cu un diferencia di 1 3/4 cuerpo. Ya na altura di e poste di 500 metro el a cuminsa avanza y den e recta final el a dicidi e suerte di Kachito.

Esaki despues di alcanza Besares a tuma e delantera pero no por a soporta e avance di Sensacional.

Ultimo careda: Balear a gana e careda pero como el a siroba Coliseu un rato promer cu yega e meta, el a keda distancia y Coliseu a bira ganador. Balear a keda segundo.

EPIDEMIA DI TYFUS NA INGLATERRA

LONDON, 20 maart. — Na Inglaterra nan a constata awe 14 caso nobo di Tyfus, door di cua e cantidad di personanan contagia a subi te 24, asina ta para den un anuncio dje ministerio Ingles di salubridad.

Tur e victimanan aki a pasa vakantie na Zermatt un luga na Suiza caminda nan ta tene deporte invernali, caminda tabatin un epidemia di tyfus.

YABI

pa bo exito

Avisa den
ARUBAANSE
COURANT
y compara e
resultado!

Proteha bo salud y di bo jiuana!

ELIMINA CACALACA, RATON, DJAKA Y OTRO INSECTONAN

- * Servicio profesional
- * Tambe pa matanan y hofli bon proteccion contra insectonan.
- * No tin inester di kita nada for di su lugar pa nos spuit.
- * Inofensivo pa bestianan di cas.
- * Pries razonable.
- (Sin ningun compromiso)

YOUNG & CO. N.V.

EXTERMINATORS

P.O. BOX 172 San Nicolas, Aruba, Netherlands Antilles Phone 7220

PLAN PA CAS

of otro edificio
acudi na
TITO MUVALE
Nassaustraat 154 - Tel. 1636

NOBO NOBO NOBO

Nassaustraat 34
Nos a bisi di ricbi CREPE den 12 color, di un hanchura di 48 inch, tambe cu su tela pa fura den e mesun colornan. Tambe DACRON-PIQUE nobo. Algo nobo: SILK-PONGEES den colornan Pastel.

MODELONAN favorito....

na prijsnan fabuloso!!
den tur
tamanjo,
color,
estilo y pa
tur ocasion.



naturalmente
na.....
LA LINDA

Carniceria Principal

Wilhelminastraat No. 69
ta specializa den HAMBURGER, SAUSHEI y BLINDE-VINK. Semper na existencia
TUR CLASE DI CARNI FRESCO.
Nos ta entrega bo pedidanan na cas, JAMA TEL. 3254

T.V. EMERSON

Pa mehor recepcion:



Modelo 1644
Tur modelo ta garantiza:
* imagen cla
* facil pa handle
* material fuerte
* sonido perfecto

Aruba Trading Co.

Cu su pantalla gigante di 23"

PANAMA STORE

tin un surtido grandi di cumu. Camu completo en colchon pa un persona for di \$ 47.50 pariba.

Tambe camu pa dos persona, na prijs for di \$ 95.— pariba.

A bisi di jega un embarque nobo di TIRE den TUR SIZE na prijsnan especial.

PALAIS ORIENTAL

Oranjestad

TA BUSCA

2 mucha muher pa bende
(Cu experiencia)

Pa informacion:
Acudi na e tiendanan

ENCARGADO INDONES NA NIEUW GUINEA

HOLLANDIA, 20 maart. — Mohammed Sjarif, quende a worde nombra encargado di negocios na Den Haag pa Indonesia, a yega Hollandia awe. El lo queda Nieuw Guinea algun dia pa e orienta su mes tocante e territorio ey y pa delibe-racionnan cu e representante Indone-sio, mr. Soedjarwo Tjoedronegoro.

PREMIER DI SIRIA NA CAIRO

DAMASCUS, 20 maart. — Premier Salah Bitar di Siria a bai Cairo awe unda e lo bira delibacionnan importante cu president Nasser. Hun-tu cu ne ta bira vice premier Ali Saleh El Saadi di Irak, e comandante di e forzanan militar di Siria, ge-neral Loleay Atassi y secretario ge-neral di e partido Baath, Michel Afak.

REUNION DI

UNION WEST EUROPA

LONDON, 20 maart. — Awe nan a tende di fuente bon informacion na London cu e gohierno di Alemania West a propone pa tene e reunion di ministerian dje paisnan miembro dje Union West Europeo mas laat den e luna aki e unig West Europeo ta manera conoci, e seis estadonan di EEG y e reinado Ingles.

TELEVISOR SIERA ta insuperable.

cu su reproduccion di zonido y imagen fascinante. Ultimo ventanahan tecnico, estabiliza-cion automatica etc. obtenibla den model di mesa y consola.

Pa un televison na prijs razo-nable pasa na:

CASA ELECTRONICA
banda di Viana - Tel. 5371

Laga nos RE-STYLE bo muebles

Tambe nos ta fura

Colchon

Nos trabao y nos material ta bo garantia!

"RUIZ UPHOLSTERY"
Koningstr. 4 - Tel. 2257

TA BUSCA

Un mucha homber pa parti Arubaanse Courant na: Seroe pita y Ayo y uno pa parti na: Parade-ra,, Sta. Cruz y Caba-Lodo.

NAN MESTER TIN BICICLETA!
Pa inf.: Acudi na oficina di Aru-baanse Courant, Nassaustraat 85, Oranjestad. Mainta: Entre 8 - 9 or'.

Vigour Restored, Glands Made Young In 24 Hours

It is no longer necessary to suffer from loss of vigour and manhood, weak memory and body, nervousness, impure blood, sickly skin, depression, and poor sleep, because an American Doctor has discovered a quick, easy way to end these troubles.

This discovery is in pleasant, easy-to-take tablet form, is absolutely harmless, does away with gland opera-tions and is bringing new youth and vigour to thousands. It works directly on the glands and nerves, and puts new, rich blood and energy in your veins. In 24 hours you can see and feel yourself getting younger. Your eyes sparkle, you feel alive and full of youthful vigour and power.


And this amazing, new gland and vigour restorer, called VI-TABS, is guaranteed. It has been proved by thousands and is now distributed by chemists here under a guarantee of satisfaction or money back. VI-TABS must make you feel full of vigour and energy and from 10 to 20 years younger, or you merely return the empty package and get your money back.

VI-TABS costs little, and the guaran-tee protects you.

Vi-Tabs
Restores Manhood and Vitality

CISCO KID presenta pa cortesia di **ARUBA BOTTLING COMPANY** e promer fabrica di refresco na Aruba, cu e produccion mas gusta y mas pidi. NESBITTS e refresco sin igual.


1. "Socorro, mi no por lan-ta!"
2. "Cisico danki Dios pa..."
3. "No papia!"



REPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. "Pero dushi kende bo a kere ta regla nos unianan e smid di den pueblo?"
- 2.
- 3.
- 4.



Bistanan Admirador pa...

BRYLCREEM

Bo no por presenta cu cabel vet cu ta plak.
Usa Brylcreem, e medio moderno pa farga bo cabel queda henter dia perfecto y..... mantene completamente salud. Cu Brylcreem bo tin exito..... pasobra damanan ta gusta e efecto special aqul di Brylcreem.
Sea „den stile" y usa Brylcreem.



BRYLCREEM... pa bo cabe! sinta bon

AGENDA

bi: „Berduz cu e dokter militar z
bisami eu asina e calenitura hai m
amo Florian ta salba caba. „Dio
gracia. Cora a bisa, halando un
seu pipa, toch e a vence e crisit
„Despus Jeremias di: Mihor mi am
Cor a hai descansa un poco, sino S
tambe ta hai bira malo”. „Si mi t
hai descansa un rato, Jeremias, per
awor bo mester yuda e mence
poco pa e hanja tuma su aliment
nan”. „Si Florian a bisa, mi tin ga
na di lanta camu poco awe, pa ha
ja un poco forza, awe no ta ha
mucho calor, y mi ta simiti bas
bon caba. Jeremias a yudele y asin
nan dos a sali emna un rato pafo
y respira un poco di aire fresco
Mientras eu Cora a hai drumi un
poco den e otro apartamento di e ca
Tres horas despues e a bolhe lant
hai serca nan dos. E tabata tin u
bunita bistí fresco bistí, e tabata tin
su cabei preso ariba, e tabata tin
ciele luma bina bunita ainda. Jerem
cu su bon holuntat, tabata prome
a hai avisele: „E comandante medic
a hini akinan, mientras eu Sra. taba
ta drumi, y e tabata masha satisfi
cho eu Florian”. „Mi ta contento
tende esey, pero esey no kier meste
eu amo Florian no tin mester pa r
cuidelme mas no.” „Pero mi amo r
por nenga nunca pa Sra. cuidel
pasobra Sra. ta su esposa, y ya e
Sra. a hini te akina, ya nunca mi
Sra. ta hai laguele”. Cora a harti, y
bisa den un tono burlon sin mi
Florian: „Bo a tende no, querido. I
remias ta recordando nos nos debe
nan”. Esaki a pasa su man den e
barbanan, y bira su cara otro ban
sin conteste nada. E negro a bol
cuminza y di: „Mi amo Florian
hura cu e no ta bebe ningun gota
alcohol mas, for di dia cu Sra. a
ni akinan. Nei Cor ta hai bisa al
ora cu Florian a bisa bira: „Ban n
sra. sera bo boca, pa caba y salí d
di akinan inmediatamente”. E er
a tuma e ordo cortesmente y m

CUSTOMBERNAN STRANJO NA HULANDA

Esunnan cu compara balle y canticnan folklorico di Hulanda, cu esunnan di otro paisnan, ta ripara cu Hulanda berdaderamente no tin mucho cos di guba. E ritmo mas apasionante ta, e „Klompdansen“ y „Huisje-klap“ na un fiesta di casamento na Friesland of West-Friesland. Folklorico ta nerde su balor ban di e karakter nacional melancolico Hulandes, cu ta sinti su mes mas na cas den iglesianan aban y monumental — especialmente den e provincianan agricola manera Groningen y Zeeland — cu ariba pistanan di hulle y pluzanan di mercado. Ta worde bisa cu, caminda Hulandesnan renen, nan ta forma un comunidad religioso of un asociacion.

Ta bin aserca cu e promedio di e Hulandesnan, no ta sinti mucho pa expresa nan sentimentonan y ta sinti mucho mas pa unicamente murmura e himno nacional un poco, cu pa cante. Den iglesia e ta canta yen di animo y psalmonan. Pero den baliamento y den teatro Hulandes di naturaleza no ta sinti su mes na cas. „Sea normal, e ora bo ta basta loco eaba“ ta un expresion tipico Hulandes.

Balle y cantica folklorico hopi tempo largo tabata algo malo, den bista di e ciudadonan y pasoranan di e almanan Hulandes. Aunke cu a cambia hopi den ultimo 15 añan, toch ainda ta existi e inquietud pa peligran moral di e enquentronan muzikal entre e diferente sexonan.

E oposicion ta mas parti na e comunidatnan isola na Zeeland. Veluwe den sercania di Staphorst na Overijssel. Den e circulo katolico-Romano oposicion na ta basa mas ariba leyman di iglesia, pero serca e institucion antigua di algun pastoor di campo. Tumando tur esakinan na bista nos ta mira cu, nunca e situacion pa musica folklorico tabata favorable na Hulanda. Tur e bon agitiacionnan pa e luchadornan di bon musica y baile, manera di e composicionnan Jop Polmann y Piet Tiggers no a yuda mucho. Den algun grupo hubenil e folklorico aki ta worde manteni cu „bloklui“ y „stam-broerij“, na un manera „offical“ y forza. Custombernan folklorico historico, cu no tin nada di haci cu baliamento y canticnan y cu no ta worde mira pa immoralidad, a banja un bida mihor y mas largo. Algun di e custombernan aki ta florece ainda, loke ta un gran satisfaccion pa e folkloristanan fanatico, e alcaide, nan, e propagandistanan pa turismo y e hubentud „antable“.

Origen

Majoria di e custombernan folklorico ta bin di e historia di e pais of di custombernan di iglesia. Un di e regionnan cu e folklorico mas fuerte di Hulanda, y cu un cultura regional, ta Twente. Aunke cu e region aki a perde hopi di su karakter campesino durante di e dos revolucionan industrial y ta birando mas y mas un centro moderno di textil, e folklorico a keda casi mescos. Na Twente ta ainda ta existi e „sympatico“ „noaber-plicht“, un sistema di yudanza entre bisinjanan, cu e siglo inhospitalario, e siglo 19, tabata masha necesario, y cu awor ta demostra su servicion ora di cambio di cas, casamento y deramento. Twente tin su mes panaderianan ainda, cu ta traha enorme „krentebroden“, su mes maneranan di hehemento (mescos cu Groningen cu e „Kraantjeskoffie“ cu „kantkoek“), su mes custombernan di baliamento di koffie y fliestan di „casamento-campesino“. Su mes custombernan di temporada. Den invierno hende nortende den e region aki e sonido di e „midwinterhoorn“. E customber di e „Saksisch-Germaans“ aki di e „midwinterhoornblazen“ — cu un

eacho enorme, banda di e poz di awa den cura di e campesino — a wenda ta worde usa pa tene enquentronan pa e campeonato, mescos cu den sur di Hulanda e zwaaidonnan di bandera, tiradonan di flecha y otro practicanan di sportividadnan folklorico diadomingo di rama, e cantadonan di hallelujah na Twente, ta camia door di Ootmarsum. Henter e pueblo ta ariba pia pa tuma parti na e maravilloso „slingerdansen“ na unda un cantica di un solo couplet ta worde canta sin fin. Na e quintanan di Twente tin hopi mas custombernan di Pascar Grandi y Pascar di Nacimiento ta worde manteni. Fiestanan di cosecha ta conoci na Overijssel, den e region sur — katolico (dianan di gradicimento) y na e „Friese Bolsward“ — caminda e „heemil-feest“ (fiesta di hooimooit) ta worde manteni cu honor. E customber cu ta worde manteni cu mas honor ta e „Eftstedentocht“ — e concurso di e schaatsmarathon — e concursanten y acompañadonan cu ta pasa banda di 11 ciudad di Friesland. E ciudad di Friesland Franeker, mescos cu Bolsward, ta organiza festividadnan folklorico di canticnan y baliamento, caminda tambe gruponan di afor ta participa.

Tambe tin e cuater of cinco gruponan permanente di canticnan y baile folklorico di Hulanda cu ta bai na e sortonan di festividadnan asina den exterior, especialmente na Francia y Suiza. Un pida folklorico yen di bida ainda ta e fiesta di Liberacion di Leiden, cu tur añu ta worde fiesta cu e partimento di „harings“ y „witte brood“. Eseyan esta si ta asina, mester worde comi cu un poco „hutsot“. Na Sitard nan conoce e „krombrood“ „arpen“.

Di un subito pa nan special ta worde tira pa e hobennan niki. Pascar Grandi, webo y otro cos dushinan ta worde secon di e matanan, pero di unda e customber folklorico aki a sali no ta sigur. Hopi di e custombernan folklorico tin algo di haci cu fiesta di santonan, manera San Martin, Santa Lucia y naturalmente mas cu ningun otro San Nicolas, tin nan mes customber folklorico. Tur hende sin hera conoce e fiesta di San Nicolas dia 5 y 6 di december, na algun lugarnan na Hulanda e no ta a-

DESASTRE NA BALI

DIJAKAR, 20 maart. — Un volcan na Bali, segun vianeronan cu a yega Djakarta for di e isla, a mata 130 persona te awor aki. E seru, cu ta mas cu tres mil-meter altu te ainda ta manda lava y sinishi.

E agencia oficial di prensa na Indonesia „Antara“, ta anuncia, cu sinishi cu ta bai for di e volcan a cai na oost Java y Madoera. Burgemeester di Soerabaya ayera a laga sera tur schoolnan pasobra e nubianan di shinishi a tapa luz di solo. Dijes despues di merdia tabata seru na Soerabaya. E seguridad a causa diferente desgracia di trafico.

sina, conoe, entre otro e isla den Waddensee, Terschelling, e fiesta di San Nicolas ta worde tene ariba un henteramente otro dia. E dia di Tres Reyman 6 di januari dey sur di Hulanda, e muchanan disfraz ta pasa cas pa cas cantando canticnan pa hanja algun mangel y placa. Lugaarnan cu ainda tin nan mes custombernan di bisti y iglesia, tin tambe nan mes folklorico ainda, manera Staphorst, Spakenburg, Urk, Volendam, Marken. Den algun lugarnan ainda tin algun ofishinan folklorico, manera na Hindeloopen, Staphorst, Genemuiden y Awarisluiz. E posibilidad y e temor ta grandi cu e ofishinan aki lo yega na nan fin, den e tempo di techniek di awendia, huntu cu esunnan cu ta hacie. Mescos cu e ultimo trahadonan di moli, carretanan, establecimentonan di coche y bareonan pa piscu cu ta cabando. E musea ta e ora e ultimo „lugar di sosiego“ di un folklorico cu un tempo tabata florece. Ey por worde hanja loke a bai perdi. Y caminda esaki a sosode e musea nan parti ta hira un monumento di tristiza, pa loke ta di e tempo pasado.

(Pa H. de Witte)

PRINS BERNHARD Y E.E.G.

UTRECHT, 20 maart. — Na un lunch di camara Hulandes di comercio Prins Bernhard a expresa awe su gran decepcion di e fracaso di e deliberacionnan tocante afiliacion di Inglaterra na EEG.

Bao di e actual circunstancianan no por forma un imagen cla di e tempo y e manera riba cual Europa lo coordina su medionan material e intelectual di un sistema mas eficaz pa asina por ehene su papel den comunidad occidental completamente. Asina Prins Bernhard a bisa.

Pero Prins Bernhard quier pone confianza den e hecho, cu e negociacionnan — y quizas mas ainda for di e fracaso — a habri un conviccion clara, cu Inglaterra mester afitia y cu mester hanja caminda nan pa por realiza un Europa mas grandi.

MINISTER LUNS A SALI PA PARIS

SCHIPHOL, 20 maart. — Qu e fin pa participa na e deliberacionnan di NAVO, cu ta cumingz mayan na e capital Frances, e minister Hulandes di exterior, mr. Luns, a sali awe tardi di Schiphol pa Paris. E no quier a bisa mucho tocante e deliberacionnan y a limita su mes na participa, cu nan lo consulta tocante e sistema riba cual nan por logra un eventual multilateralizacion di arma nuclear.

Segun minister Luns a bisa ya tabata hopi deliberacion tocante e asunto ey, pero e bida aqui e ta sosode riba nivel ministerial. Riba un pregunta qu tin diferencia di opinion entre Hulanda y Merca tocante e asunto ey, e minister a contesta pura: „No, nos ta yama eseynan di diferencianan masha chiqui mes di opinion“.

ARGELIA Y FRANCIA

ARGEL, 20 maart. — Awe nan ta recorda na Argelia cu un anja pasa nan a firma e acuerdo cu Francia, segun cual Argelia ta obtene su independencia.

Lo tin diferente ceremonia en comocion cu e conmemoracion. Obrero nan lo hanja algun ora liber.

E festividadnan ta worde cubri pa un nubia seru, cu ta e noticia cu Francia a haci un prueba nuclear subterraneo den Sahara. Manera ta conoei Francia por haei prueba nuclear den e centro Reggane, durante cinco anja segun e acuerdo di Evian, pero e gobierno di Argelia ta fuertemente contra di prueba nuclear, unda cu eseynan ta worde tuma.

ASUNTO DI BIDAULT

MUENCHEN, 20 maart. — E lider Frances di resistencia, Georges Bidault, lo mester stop cu tur actividadnan politica y busca un otro lugar di bida si e quier queda na Bavaria. Asina nan a manda bisela ayera noch por escrito den un carta di ministerio di interior na Bavaria.



Esaki ta e momento decisivo den e enuentro entre Feyenoord y Stade Rieluis cu a termina den un empate. Aki ta ultra Piet Kruijer (riba e purter dos di drechi) cu ta score pa Feyenoord.

TREIN A SUBI RIBA DEMOSTRANTENAN

RIO DE JANEIRO, 20 maart. — Na un stacion na un ciudad dilanti di Rio de Janeiro diezdos persona a muri y diferente a worde herida ora cu un trein exress a corre subi nan cu gran velocidad.

E habitantenan di e ciudad a bai demostra na e stacion contra e mal servicio di e treinnan y nan no a mira na tempo cu e trein ta acercando. E manehador di e trein no por a para na tempo.

COMISION CU INGLATERRA

BRUSSEL, 20 maart. — E consoho dje union economico di Benelux lo stipula proposicionnan pa establecimiento di un comision mescla di tres paisnan di Benelux y e reinado Ingles, riba proposicion dje segundo minister Belgo di asuntunan di exterior. Poco tempo pasa Inglaterra a propone pa forma tal comision mescla. E comisionnan aki ta existi eba di representacion di Inglaterra y Alemania West e Inglaterra e Italia. Nan a forma nan despues dje voto Frances tocante deliberacionnan di afiliacion di Inglaterra den e Comunidad Economico Europeo.

E comisionnan tin como fin pa delibera tocante kestionnan extraniero, cu ta bini despues dje fracaso dje deliberacionnan y tambe pa mantene contacto entre Inglaterra y e paisnan di EEG. Ta trata akinan principalmente di kestionnan comercial politico.

E EXPERTONAN ALEMAN NA EGYPTO

TEL AVIV, 20 maart. — Parlamento di Israel lo atende awe e kestion di tres te cuater cien tecnicoan Aleman cu segun calculacion di Israel ta traha pa industria di guerra na Egipto. Observador no ta considera imposible, cu Israel lo pidi Alemania Occidental pa yama e expertonan Aleman for di Egipto.

E dos partidonan grandi di oposicion na Israel, e partido nacional y esun liberal, ta acusa e gobierno di a tarda mucho pa tuma pasonan serca gobierno di Alemania Occidental.

AVION MILITAR A CAI

FRANEKER, 20 maart. — Awe merdia un avion di Forza aerea Hulandes a cai algun kilometer noord di Franeker na Friesland. E piloto a logra bandona e aparato.

AVION MILITAR A CAI DEN LAMAN

DEN HAAG, 20 maart. — Durante un exercicio cu baportan di Smaldeel i banda di Gibraltar un avion pa combate di submarinonan a cai den laman. Di e cuater ocupanten, dos a logra salba nan bida cu un Dingy (un boto salhabida di Rubber), y e cazador „Amsterdam“ a saca nan for di awa.

E dos otro nan ta perdi ainda. Baportan di e Smaldeel, avion di MLD (Marine Luchtvaartdienst) y avionnan di forza aerea di Inglaterra ta sigui busca.



E hungadornan di Feyenoord Cor van der Gijp y Piet Kruijer a worde hisa na laira despues di e partido cu Rheims, pa e aficionadonan di nan club.

Pa e corona di carnaval....

(Continuacion di pag. 1)

mentonan, sin perhudica e proteccion riba cual e candidatanan y miembronan di burado tin derecho pa motibonan ya menciona. Un copia di e declaracion notarial aki, cual ta indica claramente cu e eligimento di e Reina di tur banda a sosode perfectamente correcto, nos ta inclui aki.

Pa termina nos kier mustra boso riba e hecho cu den boso carta tin diferente inexactitud, falsedad y insirgacionnan, cu ta indica cu boso scribitor di carta ta ora di traha e carta no a actua di buena fe, pero probablemente a haci esfuerzo pa dina e rumornan falsu cu na e ocasionnan ey semper ta worde plama pa perdendornan malu, un base di acceptacion.

Falso: „Boso presidente lo no por a hanja contacto cu nos presidente despues di e eligimento. Berdad: e berdad ta cu senyor Arends a keda hopi ora despues di e eligimento den stadion y na ultimo ainda a papia poco cu e manager di stadion sr. J. Oduber, cu na es momento ey tabata combersa cu boso presidente senyor Kuiperi. Senyor Arends a bai su cas inmediatamente despues, na unda el a keda traha te dor di marduga cu telefon bandon di dje na e resto di e programa. Pero e, no a worde jama mas. Conclusion: Senyor Kuiperi a spera intencionalmente probabelmente te ora cu senyor Arends a sali pa despues papia e otro miembronan di directiva di C.C.C.A., tras di lomba di sr. Arends, pa esakinan dune e listanan cu sr. Arends di buena fe a entrega na e manager di stadion pa warda.

Esaki lo a cost'e poco esfuerzo sigur, pero por fin e a logra, manera a ser anuncia mas ariba.

Falso: Boso presidente lo a traha huntu cu nos presidente pa haya un solucion pa e asunto aki.

Insinuacion: Nos presidente lo no kier a duna cooperacion pa solucion e problema aki.

Berdad: Inmediatamente despues cu nos presidente a tende cu boso presidente sr. Kuiperi, tras di su lomba den oranan di mainta a haya mira e listanan y a declara cu e resultado no tabata correcto, el a invita boso presidente y vice-presidente personalmente pa bishita e miembro di hurado, cu a jena e lista en kestion, sr. E. Fiederer, un turista Mericano, cu a keda pasa algun dia mas na Aruba, y tende for di su mes boca con e asunto a bai. Tambe el a invita nan pa delibera e asunto huntu cu e miembronan di hurado y e directiva diario di Caribe.

Sra. Fiederer a keda cinco dia mas na Aruba, pero nunca nan a expresa e deseo pa bishita e miembro di hurado aki.

Si nan a percura (naturalmente di co-incidencia) cu boso propaganda por escrito net un dia despues (28-2-63) di su salida a jega cerea nos.

Incorrecto: No ta correcto cu e representantenan di e otro candidatanan lo aprecia pa controla e listanan aki, cual ta ser indica pa boso cu e nomber incorrecto „scoring sheets“ manera ta trata aki di un enuentro di boxeo. Ora nos a informa, un sugestion den e direccion ey a ser rechaza cu indignacion, Caribe a subestima e farsen y

galanteria di e clubnan participante pa motibonan incomprendible.

Pesey nos por sugeri cu boso club, cual a comporta su mes manera un patu stranja den un piscina, den e anjanan venidero lo percura pa tambe manda un representante den C.C.C.A. pa boso club haya poco experiencia riba e terreno aki y realiza cu eligimento di un reina di Carnaval no ta mescos (u) enuentro di boxeo, baseball, futbol, basketball, cu sporteranan, instrumentonan di hoo, klaptji etc.

(Vetdruk di Red.)

Ocupacionnan importante a stroba nos pa contesta boso carta prome cu e fecha pidi pa boso, 5 maart 1963.

atento y s.s.

Na number di

Centrale Carnaval Comite Aruba
Adriaan Arends, Pres.
Daniel Leo, Secretario
D. D. Salazar, Tesorero

E acto di notario

Den e acto di notario interior C. W. J. J. Heufke, ta ser stipula, cu e scoring sheets di e shete miembronan di burado, cu mester a opina riba e ocho candidatanan, a ser controla dur. In-correcto a ser constatado riba e listanan di srta. Erna van Heeswijk, Inocencia Maduro, Julianita Henriquez, Enid Marugg, Maria Ruiz, Rosa Trimon y Lucia Tromp. Notario ta jega na e conclusion final, sincibargo cu a caso tur e listanan cu no e ser jena di un forma regular o firma, lo ser descalifica, e resultado ta keda mescos: esta riba e total di pintonan e.o. srta. Enid Marugg lo perde 46 punto y srta. Erna van Heeswijk 84 punto.

Comentario di presidente di Caribe

E presidente di Caribe ayera no taban en estado di duna un comentario delaya riba e contesta di Central Carnaval Comite, como C.C.C.A. no a manda un copia di e acto di notario pa Caribe. Si, sr. Kuiperi a declara cu lo duna e caso den man di un abogado awor, como Caribe ta keda para riba su punto di bista cu C.C.C.A. mester entrega e scoring sheets pa worde controla pa un comision, manera propone den e carta di februari. Ademass e presidente di Caribe pronto lo publica un relato personal riba su experiencianan cu Central Carnaval Comite. Sr. Tien Kuiperi ainda ta convenci di e victoria di e candidatu di su club.

AVIONAN RUSSO RIBA BAPOR MERICANO

WASHINGTON, 20 maart. — Cuater avion Ruso a bula clasher riba e portavion Mericano „Constellation“ ora cu e bapor aqul tabata den e parti occidental di Oceano Pacifico, asina ministerio Mericano di Defensa a participa. E ministerio a participa, cu e avionnan Ruso a worde intercepta na un distancia di 160 kilometer for di e portavion pa acroplanonan Mericano. E Mericanonan a keda bula banda di e Rusonan, cu a pasa nuebe biaha riba e portavion.

BO HOROSCOPO PERSONAL

ARIES

21 Maart — 20 April



Oranan di mainta ta mas favorable cu sobra parti di dia pa tur contactonan cu otro.

TAURUS

21 April — 20 Mei



Awe tin un acento importante riba finanzas y amistad; no bruhá esaki nan.

GEMINI

21 Mei — 20 Juni



Mihor contactonan bo por pone den oranan di mainta, evita tur conflicto cu superiorman.

CANCER

21 Juni — 22 Juli



Trata pa keda mas tanto riba background y cumpli cu bo debernan di trabao.

LEO

23 Juli — 22 Augustus



Awe ta un dia favorable pa bo, haci uso di esey, paga atencion na bo apariencia.

VIRGO

23 Augustus — 22 September



Bo lo logra mihor resultado si bo sa con bo tin cu trata otro awe, sea diplomata.

LIBRA

23 September — 22 Oktober



Awe bo tin un bon huijo pa asuntunan di negoshi, pero tambe den asunto nan di amor.

SCORPIO

23 Oktober — 22 November



Duna atencion na bo finanzas awe, no laga bo debenan crece. Percura pa tin reglo.

SAGITARIUS

23 November — 21 December



Loke bo esposa bisabo awe bo mester considera masha. Anochi ta bon pa delibera.

CAPRICORNUS

22 December — 19 Januari



Si bo cumingz tempran bo lo hanja mihor resultado den trahao. No plei ta awe.

ACUARIUS

20 Januari — 18 Februari



Cu originalidad y responsabilidad bo lo jega hopi leuw, bo ta worde observa.

PISCES

19 Februari — 20 Maart



Mainta ta e mihor tempu pa contactonan cu otro. Despues di atardi bo no mester confia tur cos.

BUCHI ROBEZ

presenta pa cortesia di:

REFRESQUERIA INGRID

TEL. 1849

★ e mihor adres pa snacks, tur clase di dushi, softdrinks, ice-cream y revistas



STOP ASTHMA BRONCHITIS

If you cough, wheeze, can't breathe or sleep well due to Asthma, Catarrh or Bronchitis attacks, get MENDACO from your chemist or doctor today. MENDACO works through the blood and bronchial tubes to dissolve and remove offending phlegm congestion. Then your cough is curbed, you can breathe freely, sleep like a baby, and regain natural energy. Satisfaction or money back is guaranteed. Get MENDACO from your chemist today!